

signatum fuit circumcisio ἀχειροποίητος : Col.

2.11. In agno paschali esca spiritualis : In Baptismo, Regeneratio : Tit. 3.5. In cœna Domini, Spiritualis Coalitio cum Christo, per illam corporis & sanguinis Christi manducationem, quæ fit & ore & fide Ioh. 6.

66. Ceterum ut ad fines Sacramentorum propius accedamus : eos sic describit Confessio nostra: De usu Sacramentorum docent ( Ecclesiæ nostræ ) quod Sacramenta instituta sint, non modò ut sint notæ professionis inter homines : Sed magis, ut sint signa & testimonia voluntatis Dei erga nos.

67. Duos nimirum fines Sacramentorum constituens : Vnum accidentalem quasi, & minus principalem: proprium verò, & maximè principalem alterum : quorum illum συμβολικὸν. hunc σφραγιστικὸν haud ineptè nominare possumus.

68. Prior est, ut Sacramenta sint notæ Confessionis, sint tesserae Ecclesiæ, sint nervi publicarum congregationum, typi officiorum pietatis, &c

69. Quemadmodum enim Circumcisio olim Iudeum ab Ethnico : ita hodiè Baptismi & S. Cœna usus ab utrisque Christianum discernit.

70. Et quemadmodum Sacramentorum istorum absentia cœtum infidelium & gentilium, extra Ecclesiam Christi constitutorum verissimè arguit : ita eorundem presentia, Ecclesiæ Christi signum